



Սայաթ Նովա

Քանի վուր ջան իմ

Էսպես Արուֆինի ասած, Թասերը չի'նի (խաղի) հանգում:

Քանի վուր ջան իմ,
Յա՛ր, քի դուրբան իմ.
Աբա ի'նչ անիմ.
Արտասունք անիմ,
Շատ հոքուց հանիմ,
Յա՛ր, դադեդ տանիմ.
Ասիր՝ ջեյրան իմ.
Թուղ քի սեյր անիմ,
Յա՛ր, մըտիկ անիմ:
Մո՛ւտ բաղչեն նագով,
Քիզ գովիմ սագով,
Յա՛ր, իլթիմագով:

Մագիրըդ դաստա,
Պըռոշըդ փըստա,
Չեյրանի վախտ է.
Յի՛կ նընգնինք չուր,
Վուր հասնինք գուր,
Չեյրանի վախտ է.
Բըլբուլը՝ վարթին,
Վարթը՝ բաղաթին,

Մեյլանի վախտ է:
Մո'տ բաղչեն նագով,
Քիզ գովին սագով,
Յա՛ր, իլթինագով:

Շոտ գանք հանդամով,
Յիրգնային նամով
Թուփը բացվի է.
Խաղ կանչինք հանգով,
Լալեքը ռանգով,
Վարթը բացվի է.
Սուսան սընբուլով,
Ղարիք բըլբուլով
Բաղը լցվի է:
Մո'տ բաղչեն նագով,
Քիզ գովին սագով,
Յա՛ր, իլթինագով:

Պատվական շինած,
Նըման նըմանած
Լեյլու դիդարին.
Յա՛ր, ուշկըս գընաց՝
Մագիրըս մընաց
Վրա մուհաջարին.
Բաղը գարթարած,
Բըլբուլը քընած
Վարթի սաջարին:
Մո'տ բաղչեն նագով,
Քիզ գովին սագով,
Յա՛ր, իլթինագով:

Հաքիլ իս ատլաս,
Թուրլու գար ու խաս՝

Սալբու դալ բովուն.
Ջեռիդ ունիս թաս,
Լըցնիս ու ինձ տաս,
Ղուրբան իմ մովուն.
Թաք դուն բաղչեն գաս՝
Անիս մասնեմաս
Քու Սայաթ Նովուն:
Մո՛տ բաղչեն նագով,
Քիզ գովիմ սագով,
Յա՛ր, իլթիմագով: